



UNIVERSITÄTS-  
BIBLIOTHEK  
PADERBORN

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

No. XV. Philippus Antonius Gualterius Vrbevetanus.

---

[urn:nbn:de:hbz:466:1-72633](#)

# PHILIPPUS ANTONIUS GUALTE- RIUS VRBEVETANVS.

**P**hilippus Antonius Gualterius tit. S. Chrysogoni Cardinalis, Urbevetanus Imolæ seu fori Cornelii in Romaniola Episcopus natus est An. 1660. ex antiquissimâ apud Urbevetanos Gualteriorum dynastiâ, qui Hetruscæ nobilitatis, eruditioñis ac disciplinæ viri patriam suam lucidissimo virtutum suarum splendore magis magisque illustrârunt. Floruit antiquissima hæc Gualteriorum stirps urbe veteri, Perenni illustrium virorum sobole plusquam sexcentis annis; nec etiam summa Purpuratorum dignitas nunc primum in illustrissimam hanc familiam illata est; verùm purpureo in coelo lucidissimum astrum jamdum An. 1654. micabat Carolus Gualterius, in id fastigii ab Innocentio X. ob insignem, quâ pollebat, doctrinam enectus. Quantum is dicto Innocentio X. ex gente Pamphilia in amori-bus fuerit, luculento satis argumento esse potest, quod in gravissimis sacrae reipublicæ temporibus in partem omnium negotiorum plerumque adhiberetur, cunctaque ad cameram Apostolicam, & Pamphilianam gentem spectantia, sagacissimæ ejus curæ commissa fuerint. Firmianam Ecclesiam, inter omnes, quotquot sunt in Piceno agro religionis antiquitate & dioceſeos amplitudine dignissimam, regendam suscepérat, quam synodo coactâ optimis statim legibus muniebat; verùm cu-ris & longo senio denique fractus, receptui cecinit; Jannoto tamen Gualterio, suo ex fratre nepoti, pontificis indultu eam ipsam ecclesiam regendam permisit, ne eam ex toto, cùm in magno nepote superviveret, destituere videretur. Cùm idem Carolus Gualterius Plautillâ Guarinaciâ illustri Romanâ sc̄eminâ progenitus fuerit, quæ neptis erat Cardinalis Silvii Antoniani, qui elapso saeculo omnibus miraculo erat, quo certe ingenio major vixisse non visus est, rem lectori non ingratam, nec præter Gualteriorum decus præstitero, si de stupendo illo sapientiae lumine pauca aliqua in medium afferam; nec enim prætermittenda videntur ingentia majorum decora, quæ illustri sanguinis prærogativa ad seros nepotes nunquā interrupta glo-riat transferunt; eo quidcm magis, quod nostra Augusta aliquam sibi partem in Silvio Antoniano exornando vindicare videatur, quandoquidem Otto Truchesius S. R. E. Cardinalis & Episcopus Augustanus, cùm summam in Silvio in dolem deprehen-deret, in eo juvando & excolendo totus fuerit. Is ipse Silvius vixdum decennis adolescentulus, cùm ad testudinem fidibus luderet, ad stuporem audientium car-mina, à se extemporaneè, in quamcunque velles, materiam confecta, suavissima vo-ce decantabat. Hujus rei experimentum capiebatur in celeberrimo convivio, quod Cardinalis Pisanius compluribus suis clarissimis collegis dederat. Ibi Cardinalis A-lexander Franciscus Farnesius fasciculum florum Silvio adolescentulo ea lege trad-diderat, ut ad illum ex assidentibus, composito concinno carmine deferret, quem aliquando futurum summum Pontificem crederet. Silvius statim Cardinalem Me-diceum adibat, & in ejus laudes suavissime extemporaneis versibus decantabat. Me-diceus sibi ludum dari putans, & rem ex composito fieri, pene ira excandescebat; sed Cardinalibus persanctè affirmantibus, à sola ejus adolescentuli stupenda indo-le eos versus momentò citius prodiisse, & Mediceum invitantibus, ut & ipse pro-pósito quoconque obvio arguento rem experietur, Mediceus alio arguento, quodquod primò occurrebat, Silvii genium periclitabatur; quod ab eo tam gravi verborum & sententiarum pondere præstitum erat, ut Mediceo penè in stuporem rapto, omnis dubitatio exempta fuerit, qui postea sub nomine Pii IV. in solium Pe-tri enectus, Silvium ad se accersebat, brevi summis viris annumeratum. Eloquen-tiâ tam potens erat, ut nemo unquam Ciceronianam facundiam propius accedere visus; græcas etiam literas tam probè callebat, ut natus Athénis credi posset. Purpuram à Cle-mente

mente VIII. obtinuerat, ut moribus candido, rubedo non deesset; de quo conscientia ejus arbitri post ejus obitum sancte affirmaverat, nunquam toto illo multorum lustrorum tempore, quo intemerati ejus viri confessiones excepisset, lethalem ab eo culpam suas ad aures depositam fuisse. Hunc suum ex stirpe materna maximum antecessorem cum Eminentissimus noster Purpuratus Philippus Antonius Gualterius sortitus sit, ejus etiam insignes virtutes ita emulatur, ut quam proxime assequi videatur. Si illum solem diecere velis, nostrum Eminentissimum Philippum Antonium Heliotropium nuncupes, qui eò actiones suas dirigat, unde præclarè vivendi leges accepit. Si stellam polarem Silvium dicas, suis perpetuo affixam astris, Philippum Antonium prudentissimum pariter nauclerum nuncupes, qui eò cursum dirigat, unde sydus sibi tam amicum resulget. Verbò, si prototypon Silvium dicas, in quo virtutum omnium imago resplendeat, huic planè conformem effigiem in Eminentissimo Philippo Antonio conspicies, qui suas actiones juxta illius normam sapientissimè ordinat. Is enimvero princeps amabilis est, qui placidissimos sereno vultu mores cunctis exhibit. Admirabili æquitate, sincerissima virtute, indefessâ solertia, eximiâ prudentia, & consiliorum gravitate Philippus Antonius usque adeo inclarescit, ut æquè largo regiarum virtutum cumulo paucos magis dotatos reperias, Aulas quascunque accellir, in sui amorem obvertit, cum humanitate vix ullum ante se relinquit; & quandoquidem pleno pectore sapientiam hausit, à nemine non prudentum summopere aestimatur. Nec etiam absimili curâ sacræ reipublicæ negotiis in multis obitis legationibus invigilabat, dignus quem Ecclesia, dignus, quem Principum aulae in suum adoptarint. Primò omnium, sapientiâ pro eo suffragium ferente, Aventonem legatus Pontificius missus est, ut rebus Romanis per Gallias velut è propinquo sollicitè studeret. Statim Gallia hoc sydus venerabundo nutu suspexerat, utpote non alio lumine, quam quod virtus accenderat, illustratum, Cùm itaque genti, apud quam agebat, undeque acceptissimus esset, ab Innocentio XII. sub finem septingentesimi saeculi ad aulam Parisiensem ablegabatur, ut in illâ humanæ sapientiæ regia suas artes pro sacrâ republicâ ad amissim exereret. Ejus rei peragendæ ratio brevi oblata est; Nam Carolo II. Hispaniarum rege è vivis excede, nihil proprius videbatur, quam ut cruentissimo bello integra Europa involveretur, duobus potentissimis Europæ Monarchis amplissimam eam hæreditatem ad se trahentibus; Tunc quidem Gualterius ex mente Pontificis optima pacis consilia Regum Maximo suppeditavit; sed ille victoriis veluti innutritus, grandem hanc causam, Marti decidendam, unicè commiserat. An. 1701. summis suis meritis id consecutus erat, ut ad Episcopatum fori Cornelii (Imolam vocant) evocaretur, quem ille sapientissimis mox legibus firmavit. Inde An. 1701. nullius invidiâ, cunctorum in eum pronâ voluntate, ad purpuræ honorem venit, quæ non decentius desfluit nisi ex humeris, sacræ reipublicæ necessitatibus tantum succollantibus. Postea in Romaniolam Pontificis legatus missus est, & cum Cæsareus miles An. 1708. per ejus fines regno Neapolitano infunderetur, sedulâ Eminentissimi Purpurati curâ luculenter providebatur, ne status Ecclesiasticus per militarem licentiam, quæ non semper ducum suorum satis imperia respicit, quidpiam detrimenti caperet. An. 1709. 14. Octobr. Ep scopatus Tuderensis (est ea urbs a Spoleto versus occasum solis haud procul Tiberis ripa) denominatus est. An. 1710. Gallia hujus viri cumulatissima merita remunerata principem Abbatiam S. Remigii, eoque ob vicinas Lutetias jus pene indigenatus, in eundem transtulit. Anno 1713. è portu Liburnensi in dictam Galliam solvit, Christianissimi Regis desideriis facturus satis, qui ingenti hujus tam præclarî viri iterum videndi desiderio tenebatur, quem sub initio hujus saeculi suâ in aula verlatum, ceu Apollinem, dum publicè perorabat, oracula fundente, cum admiratione nunquam non suspexerat. A Ludovico omnibus regiæ enevolentiae signis exceptus, eam etiam eximia prudentia sua, Regi sapientissimo luculenter exhibita, mercedem retulit, ut Abbatianus S. Victoris in Gallis obtineret, ipsem non paucorum, qui ei spei imminebant, futurus vistor, eò gloriòsior, quod apud Gallos meritis excellenter; nam Protectorum Gallie aliquandiu summa sui commendatione gesserat, dum lis componeretur, quam Eminentissimo Purpurato Ottobono Ix Veneta movere videbatur, ab alienigenarum quorūcumque principiū obsequiis apud se natos removens, quæ tamen lex Assueri videbatur, lata pro omnibus, non pro te, sacra Purpura. Nec minus à Jacobo Franciscò Eduardo, Jacobi II. Stuardi filio, Eminentissimus Gualterius in Protæctorem Angliæ amplissimo meritorum ejus diplomate declaratus est; hinc An. 1716. ad Apostolicam sedem latum pro se nuntius ferebat, prædictum principem ad Scotos, qui pro eo in patrium solium evehendo in armis stabant, felici navigatione appulsum; verum brevi ea felicitas tenuit; nam inselix princeps, suis perpetuo fatis agitatus, penè eadem celeritate, qua appulerat, māre relegebat, id saltem fortunæ beneficium debebat, quod ventos tam validè a puppi ferientes noctus sit, ne qua hostica celo, quarum complures tantæ prædae inhabant, è fuga retraheret, ultimam fortissimè Stuardorum sanguine victimam futurum. An. 1717. Eminentissimus hic purpuratus diæcum principem Jacobum Romanum delatum is denique obsequiis, ceu regio in folio federet, cum integrâ Româ exceptit; videlicet eximia ejus principis virtus in sui admirationem neminem non rapit, qui orthodoxa religioni indebet studio adhaerescens, suis demique fatis & mortibus terrestrem Angliam relinquens, ad cœlestem illam unicè respicit. An. 1719. idem Princeps cum Mariâ Clementinâ Sobieskiâ, jacobi Ludovici Sobieskii & Hedwigis Elisabetha Palatinæ filia matrimonii scederibus junctus est, quam lechissimam principem vel hostes affirmant; utpote quæ sapientia Palladem, Majestate Junonem, & gratias Venerem referat. Ex quo matrimonio Eminentissimo Purpurato Gualterio exultante, gemina proles viriis enata est: Carolus Odoardus Ludovicus A. 1720. 31. Dec & Henricus, Benedictus, Odoardus, Elfridus, Ludovicus A. 1724. 13. Mart. ille Walliæ princeps, hic Eboracensis Romæ dictus. Pari modo Eminentissimus Purpuratus Gualterius inexplicabili gaudio neonatum Austriae & Austriae Principem, prosecutus est, utpote Austriam in se beneficam, siveque admiratricem sapientiae nunquam non expertus. Sic Eminentissimus Gualterius Italiam, Galliam, Austria, orthodoxam in quantum est, & esse potest Angliam, & multas alias orbis Christiani plagas, facilius una curis compleudit, omnibus omnia factus, cum neutris desit.